

社121  
673  
部五：62



也余嘗書其後云讀此篇見其飾志矜能夸榮殉  
勢益知子陵元亮爲千古高人之宗

朱景元集一卷

陳氏曰唐太子諭德朱景元撰

朱慶餘集一卷

陳氏曰唐朱可久慶餘撰以字行受知於張籍寶

歷二年進士

文獻通考卷第二百四十二

文獻通考卷第二百四十三

鄱陽李馬山端臨平貴與喜著

經籍考七十

集詩集

李義山集三卷

陳氏曰唐太學博士李商隱義山撰

詩話王荆公晚年亦喜稱義山詩以爲唐人知學

老杜而得其藩籬惟義山一人而已每誦其雪嶺

未歸天外使松州猶駐殿前軍永憶江湖歸白髮

欲回天地入扁舟與池光不受月暮氣欲沉山江

海三年客乾坤百戰場之類雖老杜亡以過也義  
山詩合處信有過人若其用事深僻語工而意不  
及自是其短世人反以爲竒而效之故崑體之弊  
適重其失義山本不至是云詩到義山謂之文章  
一厄以其用事僻澁時稱西崑體然荆公晚年亦  
或喜之而字字有根蒂如試問火城將策探何如  
雲屋聽窻知未愛京師傳谷口但知鄉里勝壺頭  
其用事琢句前輩無相犯者

漁隱叢話李義山詩楊大年諸公皆深喜之然淺  
近者亦多如華清宮詩云華清恩幸古無倫猶恐

蛾眉不勝人未免被他褒女笑只教天子暫蒙塵  
用事失體在當時非所宜言也豈若崔魯華清宮  
詩云障掩金雞蓄禍機翠華西拂蜀雲飛珠簾一

點前閉朝元閣不見人歸見燕歸又云草遮回磴絕鳴

鸞雲樹深深碧殿寒明月自來還自去更無人倚  
玉欄干語意旣精深用事亦隱而顯也義山又有  
馬嵬詩云如何四紀爲天子不及盧家有莫愁渾  
河中詩云咸陽原上英雄骨半是君家養馬來如

此等詩庸非淺近乎齊魯詩李詩

溫庭筠金筮集七卷外集一卷

鼂氏曰唐温庭筠本名岐字飛卿宰相彦博之裔  
詩賦清麗與李商隱齊名時號温李能逐弦吹之  
音爲側艷之辭爲行塵雜由是累年不第終國子  
助教宣宗嘗作詩賜宮人句有金步搖遺場中對  
之庭筠對以玉跳脫上喜其敏欲用之而嘗作詩  
忤時相令狐綯終廢斥云自來綴自去更無人論  
張祐詩一卷不具人論良燕體又云草賦同韻錄  
鼂氏曰唐張祐字承吉清河人樂高尚客淮南杜  
牧爲度支使善其詩嘗贈之詩曰何人得似張公  
子千首詩輕萬戶侯嘗作淮南詩有人生只合揚

州死禪智山光好墓田之句大紳申果終丹陽隱  
舍人以爲讖云谷陳錄凡十卷載詩外詩曰自來

許渾丁卯集二卷不知其人詩不著世亦何辨樊

鼂氏曰唐許渾字用晦圍師之後大和六年進士  
爲當塗大平二令以病免起潤州司馬大中三年  
爲監察御史歷虞部員外睦郢益州刺史嘗分司  
於朱方丁卯間自編所著因以爲名賀鑄本跋云  
按渾自序集三卷五百篇世傳本兩卷三百餘篇  
求訪二十年得沈氏曾氏本并取擬元天竺集校  
正之共得五百四十四篇予近得渾集完本五百

篇皆在然止兩卷唐藝文志亦言渾集兩卷鑄稱  
三卷者誤也詩或乃會乃本共類錄云天竺集錄  
陳氏曰丁卯者其所居之地有丁卯橋蜀本又有  
拾遺二卷明問自論西晉因以爲各賞錄本題云  
後村劉氏曰杜牧許渾同時然各爲體牧於唐律  
中常寓少拘峭以矯時弊渾則不然如荆樹有花  
兄弟樂橘林無實子孫忙之類律切麗密或過牧  
而抑揚頓挫不及也二人詩不著姓名亦可辨樊  
川有續別集三卷計之八九皆渾詩牧佳句自多  
不必又取他人詩益之若丁卯集割去許多傑作

則渾詩無一篇可傳矣何人與何景同輯藝文志

### 李遠集一卷

陳氏曰唐建州刺史李遠求古撰平賦士

### 于鵠集一卷

陳氏曰唐于鵠撰與張籍同時未詳何人

### 薛瑩集一卷

手萬餘卷今傳山岳一亭碑二人皆悉始

陳氏曰唐薛瑩撰號洞庭集文宗時入集中多蜀  
詩其曰壬寅歲者在前則爲長慶四年後則爲中  
和二年未知定何年也高自默鵬與謝外王駢同

### 薛逢歌詩二卷

薛逢蜀田州東人會昌六年平賊士登

鼂氏曰唐薛逢陶臣河東人會昌元年進士終祕書監持論鯁切以謀畧高自標顯與楊收王鐸同年登第而逢文藝最優收作相逢有詩云誰知金印朝天客同是沙隄避路人鐸作相逢又有詩云昨日鴻毛萬鈞重今朝山岳一毫輕二人皆怒故不見齒

喻鳧集一卷

陳氏曰唐烏程尉喻鳧撰開成五年進士

潘咸集一卷

陳氏曰唐潘咸撰不知何人與喻鳧同時藝文志

不載

項斯集一卷

陳氏曰唐丹徒尉江東項斯子遷撰初受知於張籍水部而揚敬之祭酒亦知之有逢人說項斯之句會昌四年進士

趙嘏渭南詩三卷

鼂氏曰唐趙嘏承祐也會昌四年進士終渭南尉杜紫微讀其早秋詩云殘星幾點鴈橫塞長笛一聲人倚樓因謂之趙倚樓云

馬戴集一卷

乾隆十二年校刊

經籍七十

五

陳氏曰唐馬戴虞臣撰會昌四年進士

顧非熊集一卷因附之歐陽文

陳氏曰唐盱眙主簿顧非熊况之子會昌五年進

士九月日西歐州承流山會昌四年進士然歐南

薛許昌集十卷

鼂氏曰唐薛能字大拙汾州人會昌六年登進士

第大中末書判中選補整屋尉辟太原陝虢河陽

從事李福鎮滑表署觀察判官歷御史都官刑部

員外郎福徙西蜀奏以自副咸通中攝嘉州刺史

造朝遷主客度支刑部郎中俄刺同州京兆尹温

漳貶命權知尹事出帥咸化入授工部尚書復節

度徐州徙忠武廣明元年徐軍戍澉水經許能以

軍懷舊惠館之城中許軍懼見襲大將周岌乘衆

疑怒逐能據城自稱留後因屠其家能政嚴察絕

私謁癖於詩日賦一章晚節惑浮屠法奉之唯謹

然恣鷲倨傲佻輕以忤物及爲藩鎮尤易武吏嘗

命其子屬橐鞬雅拜新進士或問其故曰與渠銷

彌災咎云

容齋洪氏隨筆曰能晚唐人詩格調不甚高而妄

自尊大其海棠詩荔枝詩折楊柳十詩序可見而

所作皆無過人又別有柳枝詞五首最後一章曰  
劉白蘇臺總近時當初章句是誰推纖腰舞盡春  
楊柳未有儂家一首詩自註云劉白二尚書繼爲  
蘇州刺史皆賦楊柳枝詞世多傳唱雖有才語但  
文字太僻官商不高耳其大言如此但稍推杜陵  
視劉白以下茂如也今讀其詩正堪一笑劉之詞  
云城外春風吹酒旗行人揮袂日西時長安陌上  
無窮樹唯有垂楊管別離白之詞云紅板江橋青  
酒旗館娃宮暖日斜時可憐雨歇東風定萬樹千  
條各自垂其風流氣槩豈能所可髣髴哉

後村劉氏曰能自稱舉太過五言云空餘氣長在  
天子用平人不但自譽其詩又自譽其材然位歷  
節鎮不爲不用矣卒以驕恣凌忽僨軍殺身其材  
安在妄庸如此乃敢妄議諸葛可謂小人之無忌

李羣玉詩一卷

鼂氏曰唐李羣玉文山澧州人曠逸不樂仕進專  
以吟詠自適詩筆妍麗才力邁健好吹笙美筆翰  
親友強赴舉甚止而止裴休廉察湖南延郡中大  
中八年來京師進詩三百篇休復論薦授弘文館



校書郎集後附其進詩表并除官制太平廣記所載黃陵廟事甚異其絕句在焉  
陳氏曰裴休以處士薦集後有乞假歸別業及朝士送行詩  
曹鄴集卷

陳氏曰唐洋州刺史曹鄴撰大中四年進士

鄭嵎津陽門詩一卷  
鼂氏曰唐鄭嵎字賓先大中五年進士津陽即華清宮之外闕嵎開成中過之間逆旅主人道承平故實明日馬上裁刻成長句一千四百言自有序

金去卷

陳氏曰或作愚者非也愚嘗為嶺南節度好着錦半臂非此鄭嵎東晉與李徽之論筆跡

劉駕集一卷

陳氏曰唐劉駕司南撰大中六年進士

李頻集三卷  
陳氏曰唐建州刺史新定李頻德新撰大中八年

進士姚合之婿也精其詩事梁育長安十五和自

李郢端公詩一卷

鼂氏曰唐李郢楚望也大中十年進士詩調清麗

乾隆十二年校刊

經籍七十

居餘杭疎於馳競爲藩鎮從事兼侍御史  
陳蛻詩一卷

鼂氏曰唐陳蛻未詳其行事集有長安十五詠自序云蛻生長江淮間以詩句從賦僅十餘年矣今李則我后撫運澤及四海蛻復得爲太平人云云蓋肅代間人也

柳郊詩一卷

鼂氏曰唐柳郊集有與李端盧綸輩相酬贈詩大歷間進士也

斷金集一卷

鼂氏曰唐李逢吉令狐楚自未第至貴顯所唱和詩也後逢吉卒楚編次之得六十餘篇裴夷直名曰斷金集爲之序

孟達詩一卷

鼂氏曰唐孟達字叔之平昌人會昌五年陳商下及第

儲嗣宗集一卷

陳氏曰唐儲嗣宗撰大中十三年進士

司馬先輩集一卷

陳氏曰唐司馬札撰與儲嗣宗同時

李廓集一卷

陳氏曰唐武寧節度使李廓撰程之子也

于濟集一卷

陳氏曰唐于濟子漪撰咸通二年進士

李昌符集一卷

陳氏曰唐膳部員外郎李昌符撰咸通四年進士

司空表聖集十卷

陳氏曰唐兵部侍郎司空圖表聖撰咸通十年進士

別有全集此集皆詩也其子永州刺史荷為後

記凡曰...

聶夷中集一卷

陳氏曰唐華陰尉聶夷中撰咸通十二年進士

許棠集一卷

陳氏曰唐宛陵許棠文化撰亦咸通十二年進士

林寬集一卷

陳氏曰唐林寬撰與李頻許棠皆同時集有送二

高麗人詩卷

周繇集一卷

陳氏曰唐周繇撰咸通十三年進士

無譏集四卷

乾隆十二年校刊

經籍七十

陳氏曰唐崔魯撰僖宗時人

章碣集六卷

陳氏曰唐章碣撰亦僖宗時人

高蟾集一卷

陳氏曰唐御史中丞高蟾撰乾符三年進士

崔塗集一卷

陳氏曰唐崔塗禮山撰光啓四年進士

雲臺編三卷

宜陽外編一卷

晁氏曰唐鄭谷字守愚宜陽人光啓三年擢高第

遷右拾遺歷都官郎中乾寧四年歸宜春卒於別

墅其集號雲臺編者以其扈從華山下觀居所編  
次云谷詩屬思頗切於理而格韻凡猥語句浮俚  
不競不爲議者所多然一時傳諷號鄭都官而弗  
名也

歐陽氏詩話曰鄭谷詩名盛於唐末號雲臺編而  
世俗但稱其官爲鄭都官其詩極有有意思亦多佳  
句但其格不甚高以其易曉人家多以教小兒余  
爲兒時猶誦之今其集不行於世矣

周朴詩二卷

唐處士周朴撰歐公詩話曰唐之晚年詩人無復

李杜豪放之格然亦務以精意相高如周朴者構思尤艱每有所得必極其雕琢故時人稱朴詩月鍛季鍊未及成篇已播人口其名重當時如此而今不復傳矣余少時猶見其集其句有云風暖鳥聲碎日高花影重又云曉來山雨鬧雨過杏花稀誠佳句也

韓偓詩二卷 香奩集一卷

晁氏曰唐韓偓致光京兆人龍紀元年進士累遷諫議大夫翰林學士昭宗幸鳳翔進兵部侍郎承旨朱全忠怒貶濮州司馬榮懿尉天祐初挈族依

王審知而卒香奩集沈括筆談以爲和凝所作凝旣貴惡其側艷故詭稱偓著或謂括之言妄許彥周詩話高秀實言元微之詩艷麗而有骨韓偓香奩集麗而無骨李端叔意喜韓偓詩誦其序云咀五色之靈芝香生九竅咽三危之瑞露美動七情秀實云勸不得也

石林葉氏曰偓在閩所爲詩皆手自寫成卷嘉祐間裔孫奕出其數卷示人龐穎公爲漕取奏之因得官詩文氣格不甚高吾家僅有其詩百餘篇世傳別本有名香奩集者唐書藝文志亦載其辭皆

閨房不雅馴或謂江南韓熙載所爲誤以爲偃若  
然何爲錄於唐志乎熙載固當有之然吾所藏偃  
詩中亦有一二篇絕相類豈其流落亡聊中姑以  
爲戲然不可以爲訓矣  
又曰韓偓傳自貶濮州司馬後載其事卽不甚詳  
其再召爲學士在天祐二年吾家所藏偓詩雖不  
多然自貶後皆以甲子歷歷自記其所在有乙丑  
年在袁州得人賀復除戎曹依舊承旨詩卽天祐  
二年也昭宗前一年已弒蓋哀帝之命也未句云  
若爲將朽質猶擬杖於朝固不往矣其後又有丁

卯年正月聞再除戎曹依前充職詩末句云豈獨  
鴟夷解歸去五湖魚艇且餽糟天祐四年也是嘗  
兩召皆辭唐史止書其一是歲四月全忠篡其召  
命自哀帝之世自後復召則癸酉年南安縣之作  
卽梁之乾化二年時全忠亦已被弒明年梁亡其  
兩召不行非特避禍蓋終身不食梁祿其大節與  
司空表聖略相等惜乎唐史不能少發明之也

唐英集三卷

陳氏曰唐翰林學士吳融子華撰與偓皆龍紀元  
年進士

張贛詩一卷

鼂氏曰偽蜀張贛字象文清河人唐乾寧中進士  
為校書郎櫟陽尉犀浦令建開國拜膳部員外郎  
後為金堂令王衍與徐后遊大慈寺見壁間書墻  
頭細雨垂纖草水面回風聚落花愛之問知贛句  
給札令以詩進贛以二百首獻衍頗重之將召為  
知制誥宋光嗣以其輕傲止賜白金而已贛生而  
穎秀幼能為詩作登單于臺有白日地中出黃河  
天外來之句為世所稱

靈溪集七卷

陳氏曰唐校書郎上饒王貞白有道撰乾寧二年  
進士其集有白序永豐人有藏之者洪景廬得而  
刻之詩雖多在一時儕輩未為工也

翁承贊集二卷

陳氏曰唐諫議大夫京兆翁承贊文堯撰乾符二  
年進士

褚載集一卷

陳氏曰唐褚載厚之撰

王穀集一卷

陳氏曰唐王穀虛中撰二人皆乾寧五年進士

盧延讓詩一卷王彥遠中對二人皆諱寧正平然士  
王彥遠曰偽蜀盧延讓子善也范陽人唐光化九年  
進士朗陵雷滿辟滿敗歸王建及僭號授水部員  
外郎累遷給事中卒官終刑部侍郎延讓師薛能  
詩不尚奇巧人多誦其淺俗獨吳融以其不蹈襲  
大奇之書詩類大夫京兆餘承贊文襄對其詩二  
半嶠歌詩三卷

鼂氏曰偽蜀牛嶠字延峰隴西人唐相僧孺之後  
博學有文以歌詩著名乾符五年進士歷拾遺補  
闕尚書郎王建鎮西川辟判官及開國拜給事中

卒集本三十卷自序云竊慕李長吉所為歌詩輒  
效之曰書風質對書為會各書寒外又麻姑眼本

韋莊浣花集五卷

鼂氏曰偽蜀韋莊字端已仕王建至吏部侍郎平  
章事集乃其弟藹所編以所居即杜甫草堂舊址  
故名偽史稱莊有集二十卷今止存此

王駕集一卷

陳氏曰唐彭城王駕大用撰大順元年進士自號

守素先生

喻坦之集一卷

乾隆十二年校刊

經籍七十

十五



陳氏曰唐喻坦之撰

張喬集一卷

陳氏曰唐進士九華張喬撰喬與許棠張蠙鄭谷喻坦之等同時號十哲喬試京兆月中桂詩擅場傳於今而登科記無名蓋不中第也

高駢集一卷

陳氏曰唐淮南節度使高駢撰駢至吏時封馮平

周賀集一卷

陳氏曰唐周賀撰嘗為僧名清塞後反初故別本又號清塞集

鼂氏曰清塞字南卿詩格清雅與賈島無可齊名

寶歷中姚合為杭因攜書投謁合聞其誦哭僧詩

云凍鬚亡夜剃遺偈病中書大愛之因加以冠巾

來訓為周賀云

李洞詩一卷

鼂氏曰唐李洞字才江諸王之孫慕賈島為詩銅鑄其像事之如神時人多謂其僻澁不貴其奇峭

唯吳融稱之昭宗時不第遊蜀卒人間無繼其

陳氏曰與張喬同時稱餘杭明經潘熙載編嘗

曹唐詩一卷

乾隆十二年校刊

經籍七十

曹唐曰唐曹唐字堯賓桂州人初爲道士咸通中  
爲府從事卒作游仙詩百編或斲之曰堯賓嘗作  
鬼詩唐曰何也井底有天春寂寂人間無路月茫  
茫非鬼詩而何唐乃大哂令集中不見然他詩及  
神仙者尚多國字本云王公將慕賈島爲詩  
李國陳氏曰唐有大小游仙詩

來鵬集一卷

陳氏曰唐豫章來鵬撰咸通舉進士不第以  
任藩集一卷藏合書外歸合開其前哭曾詩  
陳氏曰唐任藩撰或作翻客居天台有宿恰憤山

絕句爲人所稱今城中巾子山也

後村劉氏曰唐任藩詩存者五言十首而已然多  
佳句衆鳥已歸樹旅人猶過山贈僧云半頂髮根  
白一生心地清居然可愛今人動爲千百首而無  
一可傳者

方干詩集一卷

鼂氏曰唐方干字雄飛歙人唐末舉進士不第隱  
鏡湖上徐凝有詩名一見干器之授以詩律其貌  
寢陋又兔闕而喜凌侮嘗謁廉帥誤三拜人號方  
三拜將薦於朝而卒門人諡元英先生其甥楊弁

與孫郃編次遺詩王贊爲序郃又爲元英先生傳  
附

王德輿詩一卷

鼂氏曰唐王德輿集有次韻和鄭畋詩知其懿僖  
式干間人也

沈彬集一卷

鼂氏曰南唐沈彬保大中以尚書郎致仕居高安  
集中有與韋莊杜光庭貫休詩唐末三人皆在蜀  
疑其同時避亂嘗入蜀云上李昇山水圖詩在焉  
熊皜屠龍集五卷

鼂氏曰晉熊皜後唐清泰二年進士爲延安劉景  
岩從事天福中說景岩歸朝擢右司諫坐累黜上  
津令集有陶穀序陳沆賞皜早梅云一夜欲開盡  
病中百花猶未知曰太妃容德於是乎在

陳氏曰集中多下第詩蓋老於場屋者

杜荀鶴唐風集十卷

鼂氏曰唐杜荀鶴池州人大順二年進士善爲詞  
句切理宣州田頔重之嘗以賤問至梁祖薦爲翰  
林學士主客員外恃勢侮易搢紳衆怒欲殺之而  
未及天祐初病卒有顧雲序荀鶴自號九華山人

陳錄作三卷

幕府燕談杜荀鶴詩鄙俚近俗惟富詞為唐第一

云早被嬋娟誤欲粧臨鏡慵承恩不在貌教妾若

為容風暖鳥聲碎日高花影重年年越溪女相憶

採芙蓉故諺云杜詩三百首惟在一聯中正謂風

暖日高之句也此句歐公詩話以為周杜詩

詠史詩三卷未暇曰大破容顏

陳氏曰唐邵陽胡曾撰凡一百五十首曾成通末

為漢南從事中領景崧

羅江東集十卷

陳氏曰唐羅隱昭諫撰

劉滄詩三卷

晁氏曰唐劉滄字蘊靈大申八年進士詩頗清麗

句法絕類趙嘏

羅鄴集三卷

晁氏曰唐羅鄴撰皇朝六卦天指地

曹松集一卷

晁氏曰唐曹松夢徵也舒州人學賈島為詩天復

元年與王希羽劉象柯崇鄭希顏同登第年皆七

十餘號五老榜時以新平內難聞放進士喜特敕

授校書郎而卒。初以陳平內諷聞於士喜。詩陳氏曰：別本與印本互有詳畧，但別本天遊仙十首，首乃曹唐詩也。又論唐人學賈島為詩，天遊羅虬比紅兒詩一卷。

鼂氏曰：唐羅虬撰皇朝方性天註虬詞藻富贍，與其族人隱鄴齊名，時號三羅。從鄜州李孝恭籍中，有杜紅兒者善歌，常為副使者屬意。副使聘鄰道虬請紅兒歌，贈之以絲，孝恭不令受。虬怒拂衣起，自誥旦手刃之。既而追其冤，作絕句詩百篇，借古人以比其艷，盛行於世。

### 唐彥謙鹿門詩一卷

鼂氏曰：唐唐彥謙字茂鄴，井州人。咸通末進士中，和王仲榮表河中從事，歷節度副使，晉絳二州刺史。仲榮遇害，貶漢中掾。興元楊守亮留署判官，遷副使，閬壁刺史。卒。彥謙才高負氣，無所摧屈，博學多藝，尤能七言詩。師溫庭筠，故格體類之，世稱耳。聞明主提三尺眼，見愚民盜一杯蓋。彥謙句也。自號鹿門先生。有薛廷珪序。後村劉氏曰：揚劉諸人師李義山可也。又師唐彥謙。唐詩雖雕斲對偶，然求如一抔三尺之聯，惜不

多見五言叙亂離云不見泥函谷俄驚火建章剪  
茅行殿濕伐栢舊陵香語猶渾成未甚破碎若西  
崑酬唱集對偶字面雖工而佳句可錄者殊少宜  
為歐公所厭也

秦韜玉投知小錄三卷

鼂氏曰唐秦韜玉字中明京兆人有詞藻工歌吟  
險而好進為田令孜所善僖宗幸蜀令孜引為工  
部侍郎中和二年賜進士第編入春榜

東浮集九卷

陳氏曰唐荆南崔道融撰自稱東歐散人乾寧乙

辛山卯永嘉山齋編成蓋避地於此今闕第十卷

唐詩三卷

陳氏曰崔道融撰皆四言詩述唐中世以前事實  
事為一篇篇各有小序凡六十九篇

裴說集一卷

陳氏曰唐裴說撰天祐三年進士狀頭唐蓋將亡  
矣說後為禮部員外郎世傳其寄邊衣古詩甚麗  
此集無之僅有短律而已非全集也其詩有避亂

一身多之句

劉德仁詩集一卷

鼂氏曰唐劉德仁公主之子長慶中以詩名五言  
清瑩獨步文場者開成後昆弟皆居顯仕獨自苦  
於詩舉進士三十年竟無所成嘗有寄所知詩云  
外族帝王恩中朝親故稀翻令浮議者不許九霄  
飛及卒詩僧棲白以絕句弔之曰忍苦爲詩身到  
寒涼此冰魂雪魄已難招直教桂子落墳上生得一枝  
冤始銷

唐求集一卷

陳氏曰唐唐求撰與顧非熊同時藝文志不載

李山甫集一卷

陳氏曰唐魏博從事李山甫撰唐末進士不第公  
邵謁集一卷

陳氏曰唐國子生曲江邵謁撰集後有胡寅王者  
爲之序言其沒後降巫賦詩自稱邵先輩殆若今  
世請大仙之類邪

李推官披沙集六卷

陳氏曰唐李咸用撰其八世孫兼孟達居宛陵亦  
能詩嘗爲台州出其家集求楊誠齋作序  
誠齋序畧曰推官公詩如見後却無語別來長獨  
愁如危城三面水古樹一邊春如月明千嶠雪灘

急五更風如煙殘偏有焰雪甚却無聲如春雨有  
五色灑來花旋成如雲藏山色時還媚風約溪聲  
靜又回如未醉已知醒後憶欲開先爲落聲愁蓋  
征人凄苦之情孤愁窈眇之聲騷客婉約之靈風  
物榮悴之英所謂周禮盡在魯矣讀之使人發融  
冶之歡於荒寒無聊之中動慘戚之感於笑談方  
擇之後國風之遺音江左之異曲孰謂其果弦絕  
歎曰曰書園子主曲玉酒歸對策翁自述實王音

黃御史集卷

誠齋序畧曰詩至唐而盛至晚唐而工御史黃公

之詩尤奇如聞鴈一聲初觸夢半白已侵頭餘燈  
依古壁片月下滄洲如遊東林寺寺寒三伏雨松  
偃數朝枝如退居青山寒帶雨古木夜啼猿此與  
韓致光吳融輩並遊未知何人徐行後長也永豐  
君自言其集久逸其父考功公始得之僅數卷而  
已其後永豐又得詩文五卷於呂夏卿之家又得  
逸詩於翁承贊之家又得銘碣於浮屠老子之宮  
而後御史公之文復傳於二百年之後按唐藝文  
志御史諱滔字文江光啓中爲四門博士其集舊

不左曰黃滔集云

乾隆十二年校刊

經籍七十



于武陵集一卷 周漬集一卷 陳光集一卷 劉威

集一卷

陳氏曰皆唐人于武陵大中進士餘莫詳何時漬

集仍藝文志不載

胡笳十八拍一卷

鼉氏曰唐劉商撰漢蔡邕女琰為胡騎所掠因胡

人吹蘆葉以為歌遂翻為琴曲其辭古淡商因擬

之以叙琰事盛行一時商彭城人擢進士第歷臺

省為郎好道術隱義興胡父渚世傳其仙去

鼎國詩三卷

李暹鼉氏曰後唐李雄撰雄洛鞏人莊宗同光甲申歲

遊金陵成都鄴下各為詠古詩三十章以三國鼎

峙故曰鼎國

李有中詩二卷

鼉氏曰南唐李有中嘗為新塗令與水部郎中孟

賓于善賓于稱其詩如方干賈島之徒賓于晉天

福中進士也有中集中有贈韓張徐三舍人詩韓

乃熙載張乃洎徐乃鉉也春月詩云乾坤一夕雨

草木萬方春頗佳他皆稱是

殷文珪集十卷

乾隆十二年校刊 經籍七十

陳氏曰唐殷文珪撰乾寧五年進士後仕南唐其子曰崇義歸朝更姓名即湯悅也

盧士衡集一卷氏所撰也春民詩云漢賦一文兩  
陳氏曰後唐盧士衡撰天成五年進士舍人精韓  
劉昭禹集一卷士衡其詩賦式干賈島之詩實干晉天  
陳氏曰湖南天策府學士桂陽劉昭禹撰源中孟  
符蒙集一卷卷

陳氏曰題符侍郎同光三年進士也同年四人蒙  
初為狀頭覆試為第四補古詩三十章以三國鼎  
李建勳集一卷書李勳對勳奇筆人 建宗同光甲申歲

陳氏曰南唐宰相李建勳撰其詩賦與孟賓于  
孟賓于集一卷詩

陳氏曰五代進士孟賓于撰仕湖南江南國朝  
廖匡圖集一卷詩 吳興人博學敏士世流

陳氏曰湖南從事廖匡圖撰  
江為集一卷詩 未詳何人  
陳氏曰五代建安江為撰為王氏所誅當漢乾祐  
中其詩賦與孟賓于

劉一集一卷

陳氏曰似唐末五代人藝文志不載其詩怪而不

律亦不工

文丙集一卷

陳氏曰稱布衣文丙所業未詳何人

蔣吉集一卷、蘓拯集一卷、王周集一卷

陳氏曰皆未詳何人

皎然杼山集十卷

鼂氏曰唐僧皎然字清晝吳興人謝靈運十世孫

攻篇什德宗詔錄本納集賢院集前有于頔序并

孟賁贈晝上人詩

陳氏曰顏魯公爲刺史與之酬倡其後刺史爲作

集序所居龍興寺之西院今天寧寺是也又嘗居

杼山寺在妙喜暮年意風林野水山雨對琴瑟

唐史藝文志顏真卿爲刺史集文士撰韻海敬源

預其論著貞元中集賢御書院取其集藏之

石林葉氏曰唐詩僧皎然居湖州妙喜今寶積寺

是其故廬自言謝靈運後詩祖其家法自許甚高

顏魯公爲守時與張志和陸鴻漸皆爲客意其人

品亦必不凡吾嘗至妙喜訪其遺跡無復有但山

巔墳存耳其詩十卷尙行於世無甚令人喜者以

爲優於唐詩僧可也觀其詩評亦貶駁老杜如論

送高三十五書記詩云崆峒小麥熟且願休玉師  
請君問主將安用窮荒爲以爲四句已前不見題  
則其所知可見矣至收喜其費極無虧有以山

僧靈澈詩集一卷

部與題志味對斷備皆無客意其人

澈姓湯字源澄越州人劉夢得序曰如芙蓉園新  
寺詩云經來白馬寺僧到赤烏年謫汀州云青蠅  
爲弔客黃耳寄家書可謂入作者闔域豈特雄於  
詩僧間邪雪浪齋日記靈澈詩僧中第一如海月  
生殘夜江春入暮年窻風枯硯水山雨慢琴弦

評此詩云轉  
在下千仞江

前輩

寶月詩一卷

詩皆言靈亦文也

鼂氏曰唐僧貫休撰字德隱姓姜氏婺州人後入  
蜀號禪月大師初吳融爲之序其弟子曇域削云  
勸共別爲序引僞蜀乾德中獻之

靈一集一卷

宋靈一撰

陳氏曰唐僧與皇甫曾同時蓋唐末人也劉勰云  
無可集一卷  
劉勰東林集一卷  
尚顏與奉集一卷  
陳氏曰唐僧賈無可撰島弟也

碧雲詩一卷

鼂氏曰唐僧虛中詩也司空圖嘗以詩贈之二云十

年太華無知已只得虛中一首詩  
白蓮集一卷

陳氏曰唐僧齊已撰長沙胡氏

柳白集一卷 修睦東林集一卷 尚顏供奉集一卷

陳氏曰皆唐僧自貫休而下盡唐末人也修睦死  
靈一於維揚朱瑾之難

薛洪度詩一卷

鼂氏曰唐薛濤字洪度西川樂妓工爲詩當時人  
多與酬贈武元衡奏校書郎大和中卒李肇云樂  
賈氏妓而工詩者濤亦文妖也

陳氏曰號薛校書世傳奏授恐無是理殆一時州  
鎮褒借爲戲如今世白帖借補之類邪濤得年最  
長至近八十

李季蘭集一卷

陳氏曰唐女冠與劉長卿同時相譏調之語見中  
興間氣集

魚元機集一卷

陳氏曰唐女冠坐妬殺女婢抵死

花藥夫人詩一卷

鼂氏曰僞蜀孟昶愛姬青城費氏女幼能屬文長

於詩宮詞尤有思致蜀平以俘輸織室後有罪賜  
死人詩一卷

伍喬集一卷

陳氏曰本江南進士後歸朝

李九齡集一卷

陳氏曰洛陽李九齡撰乾德二年進士第三人中

李季蘭集一卷

身五飛八下

文獻通考卷第一一百四十三

文獻通考卷第二百四十四

鄱陽馬端臨貴與著

經籍考七十一

集詩集

寇忠愍詩三卷

鼂氏曰寇準字平叔華州人太平興國中登進士  
科淳化五年參知政事定策立真宗爲皇太子景  
德元年拜平章事契丹入寇決親征之策凡三入  
相真宗不豫皇后預政準白上請太子監國因令  
楊億草制且進億以代丁謂詰朝準被酒漏言累

貶雷州司戶徙衡州司馬卒仁宗時贈中書令諡忠愍嘗封萊國公初篤學喜屬文尤長詩什多得警句在相位論議忠直不顧身謀仇邪媒孽旣以謫死或又謗之云在相位時與張齊賢相傾朱能爲天書降乾祐準知而不言曾子固明其不然曰審如是丁謂拂須固足以悅之司馬溫公訓儉文亦言其奢侈子孫丐於海上然以史考之萊公蓋無子也集有范雍叙共二百四十首野水無人渡及江南春二首皆在獨到海只十里之詩已亡其全篇矣

陳氏曰巴東集三卷公初以將作監丞知巴東縣自擇其詩百餘篇且爲之序今刻於巴東忠愍公集三卷乃河陽守范雍得公詩二百首爲三卷今刻板道州

### 張刑部詩

王介甫序君詩明而不華喜諷道而不刻切其唐人善詩者之徒歟君並楊劉生楊劉以其文詞染當世學者迷其端原靡然窮日力以摹之粉墨青朱顛錯叢厖無文章黼黻之序其屬情籍事不可考據也方此時自守不污者少矣君詩獨不然其

自守不污者邪

魏仲先草堂集二卷

鉅鹿東觀集二卷

詩話事不四

鼂氏曰魏野字仲先陝州人志清逸以吟詠自娛忘懷榮利隱於陝之東郊手植竹木繞以流泉鑿土袤丈曰樂天洞前立草堂爲詩清苦句多警策與寇準王旦善每往來酬唱祀汾陰歲召不起卒贈著作郎集有薛田序鉅鹿東觀集乃野之子閑集其父詩四百篇以贈著作故以東觀名集卷今

潘道遥詩三卷

鼂氏曰皇朝潘閔字道遥大名人通易春秋尤以

詩知名太宗嘗召對賜進士第將官使之不就王繼恩與之善繼恩下獄捕閔甚急久之弗得咸平初來京師尹收繫之真宗釋其罪以爲滁州參軍後卒於泗上與王禹偁孫何柳開魏野交好最密集有祖無擇序錢易張達皆碣其墓附於集後蘇子瞻少年時過一山院見壁上有句云夜涼知有雨院靜若無僧而不知何人詩今集有此聯乃閔夏日宿西禪院詩也小說中謂閔坐盧多遜黨嘗追捕非也

陳氏曰閔嘗賜及第後坐追奪變姓名僧服入中



條山卒於泗州又有嚴陵刻本同但少卷末三首  
東里楊聘君集一卷

陳氏曰處士鄭圃楊朴契元撰太宗嘗召對拜郎  
中不受以其子爲長水尉

滕工部集一卷

陳氏曰滕白撰篇首寄陳搏知爲國初人又有右  
省懷山中及臺中寄朱從事詩則其揚歷清要亦  
多矣史傳亡所見未有考也

王岳集一卷

陳氏曰王岳撰集中有春日感懷上滕白郎中蓋

亦國初人又有聖駕親征河東及有甲午避寇全  
家欲下荆南之語則是李順亂蜀之歲岳蓋蜀人  
也

漁舟集一卷

甘棠陳氏曰處士成都郭震希聲撰自稱汾陽山人李  
畋爲作集序淳化四年忽作詩曰朝出東門遊東  
門好春色青青原上草莫放征馬食詣闕獻書言  
蜀利病未幾順賊已作矣

王初歌詩集一卷

陳氏曰王初撰未詳何人有延平天慶觀詩當是

祥符後人也

書臺集三卷

陳氏曰處士南隆朱有大有撰自稱雲臺山人天禧中王晦叔守蜀以古風六十言遺之書臺者其所居坊名也

甘棠集一卷

陳氏曰知制誥上蔡孫僅鄰幾咸平元年進士第一人後其兄何一勝嘗從何通判陝府以所賦詩集而序之首篇曰甘棠思循吏故以名集僅兄弟皆不壽故不大顯

錢氏白歌詩二卷

陳氏曰翰林學士吳越錢易希白撰廢王侁之子咸平二年進士第二人景德二年制科初錢氏歸國羣從皆補官獨易與兄昆不見錄遂刻志讀書皆第進士昆至諫議大夫易子彥遠明逸又皆以賢良方正入等宋興父子兄弟制舉登科者惟錢氏一門易有集百五十卷未見家止有此及滑稽集四卷而已

林和靖詩三卷 西湖紀逸一卷

鼂氏曰林逋字君復杭州錢塘人少刻志爲學結

盧西湖之孤山真宗聞其名詔郡縣常存遇之善  
林下行書喜爲詩其語孤峭澄淡臨終作一絕曰茂陵  
他日求遺藁猶喜初無封禪書或刻石置之其墓  
中賜諡曰和靖先生  
清風集一卷  
陳氏曰職方員外郎鮑當撰  
石曼卿集一卷

曼卿字曼卿南京宋城人舉進士不中  
爲三班奉職改太常寺太祝遷祕閣校理氣貌雄  
健凡偉喜論事善書札縱酒不羈世多傳其仙去其詩

如春陰紅梅及樂意相關禽對語生香不斷樹交  
花鶯聲不逐春光老花影常隨日脚流之句至今  
諷詠焉

陳氏曰其詩自爲序石介復爲作序其仕以三舉  
進士爲三班奉職出處詳見歐公所作墓誌

歐公詩話曰石曼卿自少以詩酒豪放自得其氣  
貌偉然詩格奇峭又工於書筆畫遒勁體兼顏柳  
爲世所珍余家嘗得南唐後主澄心堂紙曼卿爲  
余以此紙書其籌筆驛詩詩曼卿平生所自愛者  
至今藏之號爲三絕真余家寶也曼卿卒後其故

人有見之者云恍惚如夢中言我今爲鬼仙也所  
主芙蓉城欲呼故人往遊不得忿然騎一素驪去  
如飛其後又云降於亳州一舉子家又呼舉子去  
不得因留詩一篇與之余亦略記其一聯云鶯聲  
不逐春光老花影長隨日脚流神仙事怪不可知  
其詩頗類曼卿平生語舉子不能道也

張浮休評曼卿詩如飢鴈夜歸巖冰春拆俊爽有  
餘而不可尋繹朱子語錄因舉曼卿詩極有好處  
如仁者雖無敵王師固有征無私乃時雨不殺是  
天聲長篇某舊於某人處見曼卿親書此詩大字

氣象方嚴道勁極可寶愛真所謂顏筋柳骨令人  
喜蘓子美字遠不及矣如籌筆驛詩意中流水遠  
愁外舊山青又樂意生香之句極佳惜不見全集  
後村劉氏曰曼卿詩惟籌筆驛詞翰俱妙人所傳  
誦及樂意相關禽對語生香不斷樹交花一聯爲  
伊洛中人所稱他作苦不甚見晚得其集石徂徠  
作序稱其與穆參軍以古文自任而曼卿尤豪於  
詩石自序性懶有作不能錄早時解記數百篇過  
壯記益衰近幾盡廢有收百篇來者覽之或尙能  
識或如非已言久迺能辨遂併近詩存三百篇藏

之於家歐公尤重其人范公有鑿幽索祕破堅發  
奇高凌虹霓清出金石之評集中華山泰山嵩山  
五言長篇各一首筆力在薛能之上餘警句尙多  
五言云行人晚更急歸鳥夕無行天寒河影淡山  
凍瀑聲微水盡天不盡人在天盡頭草白有時榮  
髮白不再好人生不如春髮白不如草弋下失冥  
鴻網細遺巨鷗風勁香逾遠天寒色更鮮秋天買  
不斷無意學金錢七言云洛渚微波長映步漢宮  
香水不濡肌獨步世無吳苑豔渾身天與漢宮香  
恥居湯武干戈域寧死唐虞揖遜區汾河不斷天

南流天色無情淡如水南朝文物盡清賢不事風  
流卽放言三百年間却堪笑絕無人可定中原中  
散向人踈懶甚步兵因酒過差多皆清拔有氣骨  
呂文靖集五卷

陳氏曰丞相許國文靖公壽春呂夷簡坦夫撰文  
靖不以文鳴而其詩清潤和雅未易及也

陳亞之集一卷

鼂氏曰陳亞字亞之性滑稽喜賦藥名詩仕至司  
封郎中藥名詩始於唐人張籍有江臯歲暮相逢  
地黃葉霜前半下枝之詩人謂起於亞實不然也

陳氏曰咸平五年進士有集三卷藥名詩特其出  
體耳如馬嘶曾到寺夫吠乍行村吏辭如賀日民  
送自迎時皆佳句不在此集也類藥谷詩卦至同  
金陵覽古詩三卷

陳氏曰虞部員外郎楊備撰億之弟也

李問集一卷永祥國文獻公壽春呂夷簡世夫對文

呂文陳氏曰國子博士廣陵李問舜愈撰

蘇才翁集一卷其志其因世歐義多皆對姓亦虞骨

鼂氏曰蘇舜元字才翁子美兄也工草隸詩章豪

麗出流天台無對效吹水南曉文神盡詩骨不事風

鼂君成集十卷別集一卷

陳氏曰新城令鼂端友君成撰東坡爲作序補之  
林補其子也

東坡序略曰鼂君成君子人也吾與之游三年知  
其爲君子而不知其能文與詩而君亦未嘗一語  
及此者其後君旣没其子補之出君之詩三百六  
十篇讀之而驚曰嗟乎詩之指雖微然其美惡高  
下猶有可以言傳而指見者至於人之賢不肖其  
深遠茫昧難知蓋甚於詩今吾尙不能知君之能  
詩則其所謂知君之爲君子者果能盡知之乎君

以進士得官所至民安樂之惟恐其去然未嘗以  
一言求於他人凡從事二十三年而後改官以沒  
由此觀之非獨吾不知舉世莫知之也君之詩清  
厚靜深如其爲人而每篇輒出新意奇語宜爲人  
所共愛其勢非君深自覆匿人必知之而其子補  
之於文無所不能博辨俊偉絕人遠甚將必顯於  
世吾是以知有其實而辭其名者之必有後也

杜師雄詩一卷

鼂氏曰宋朝杜默字師雄祖徠人石介作三豪篇  
鼂氏所謂歌之豪者蘇子瞻頗陋之

鄭成之集十卷

鼂氏曰宋朝鄭褒字成之閩人登進士第慕韓愈  
爲文陳詒爲編次其集張景爲之序

將歸集一卷

鼂氏曰未詳何人有題林逋隱居詩當是昭陵時  
人也

徐仲車詩一卷

鼂氏曰宋朝徐積字仲車東筦人至二十五年

黃虞部詩一卷

鼂氏曰宋朝黃觀昭陵時嘗將漕成都

邵堯夫擊壤集二十卷

黃真鼂氏曰宋朝邵雍堯夫隱居洛陽熙寧中與常秩同召力辭不起遂於易數始為學至二十年不施枕榻睡其精思如此歌詩蓋其餘事亦頗切理盛行於時卒謚康節集自為序

朱子語錄康節之學其骨髓在皇極經世書其花報草便是詩

韓持國詩三卷

鼂氏曰韓維字持國億之子也與其兄子華玉汝俱位宰相持國最能詩世傳其醱醲絕句他多稱

是

註荆公詩十五卷

陳氏曰參政眉山李壁季章撰謫居臨川時所作助之者曾極景建魏鶴山作序

石林詩話曰荆公少以意氣自許故詩語惟其所

向不復更為涵蓄如天下蒼生待霖雨不知龍回

此中蟠又濃綠萬枝紅一點動人春色不須多又

平治險穢非無力潤澤焦枯是有才之類皆直道

其胷中事後為羣牧判官從宋次道盡假唐人詩

集博觀而約取晚年始盡深婉不迫之趣乃知文



字雖工拙有定限然必視其幼壯雖公方其未至亦不能力強而遽至也  
又曰荆公晚年詩律尤精嚴造語用字間不容髮然意與言會言隨意遣渾然天成殆不見有牽率排比處如含風鴨綠鱗鱗起弄日鷺黃裊裊垂讀之初不覺有對偶至細數落花因坐久緩尋芳草得歸遲但見舒閑容與之態耳而字字細考之皆經隲括權衡者其用意亦深刻矣嘗與葉致遠諸人和頭字韻詩往返數四其末篇云名譽子真居谷口事功新息困壺頭以谷口對壺頭其精切如

此後數月取本追改云豈愛京師傳谷口但知鄉里勝壺頭今集中兩本並存  
漫叟詩話荆公定林後詩精深華妙非少作之比嘗作歲晚詩云月映林塘靜風涵笑語涼俯窺憐淨綠小立佇幽香携幼尋新葍扶衰上野航延緣久未已歲晚惜流光自以比謝靈運議者亦以爲然不可不讀也

後山詩話魯直謂荆公之詩莫年方妙然格高而體下如云自聞青秧底復作龜兆圻乃前人所未道又云扶輿度陽焰窈窕一川花謂包含數个意

雖前人亦未道然學三謝失於巧耳  
又云荆公詩云力去陳言誇末俗可憐無益費精神而公平生文體數變莫年詩益工用意益苦故言不可不謹也

張浮休評王介甫詩如空中之音相中之色欲有執着而曾不可得

臨川詩選一卷

陳氏曰汪藻彥章得半山別集皆罷相山居時老筆過江失之遂於臨川集錄出又言有表啓十餘篇不存一字

注東坡詩四十二卷 年譜目錄各一卷

司諫吳興施元之德初與吳郡顧景蕃共爲之元之子宿從而推廣且爲年譜以傳於世陸放翁作序頗言註之難蓋其一時事實旣非親見又無故老傳聞有不能盡知者噫豈獨坡詩哉註杜詩者非不多往往穿鑿附會皆臆決之過也

張浮休評子瞻詩如武庫初開戈矛森然觀者不覺神懨若一一尋之不無利鈍

放翁陸氏序略曰唐詩人最盛名家者以百數惟杜詩註者數家然槩不爲識者所取近世有蜀人

任淵嘗註宋子京黃魯直陳無已三家詩頗稱詳  
贍若東坡先生之詩則援據閎博指趣深遠淵獨  
不敢爲之說某頃與范公至能會於蜀因相與論  
東坡詩慨然謂余足下當作一書發明東坡之意  
以遺學者某謝不能後二十五年某告老居山陰  
吳興施宿武子出其先人司諫公所註數十大篇  
屬某作序司諫公以絕識博學名天下且用功深  
歷歲久又助之以顧君景蕃之該洽則於東坡之  
意蓋幾可以無憾矣

山谷集十一卷 外集十一卷 別集二卷

陳氏曰黃庭堅魯直撰江西所刻詩派卽豫章前  
後集中詩也別集者慶元中莆田黃汝嘉增刻

山谷編年詩集三十卷 年譜二卷

陳氏曰山谷詩文其甥洪氏兄弟所編斷自進德  
堂以後今外集所載數卷有晚年刪去者故任子  
淵所註亦惟取前集而已監丞黃魯子耕者其諸  
孫也卽會粹別集復盡取其平生詩以歲月次第  
編錄且爲之譜今刊板括蒼

後山集六卷 外集五卷

陳氏曰陳師道無已撰亦於正集中錄出入詩派

江西宗派之說出於呂本中居仁前輩固有議其不然者矣後山雖曰見豫章之詩盡棄其學而學焉然其造詣平澹真趣自然實豫章之所闕也

註黃山谷詩二十卷 註後山詩六卷

陳氏曰新津任淵子淵註鄱陽許尹爲序大抵不獨註事而兼註意用工爲深二集皆取前集陳詩以魏衍集記冠焉

後村劉氏曰國初詩人如潘閬魏野規規晚唐格調寸步不敢走作楊劉則又專爲崑體故優人有擣扯義山之誚蘇梅二子稍變以平淡豪俊而和

之者尙寡至六一坡公巍然爲大家數學者宗焉然二公亦各極其天才筆力之所至而已非必鍛鍊勤苦而成也豫章稍後出會粹百家句律之長究極歷代體制之變蒐獵奇書穿穴異聞作爲古律自成一家雖隻字半句不輕出遂爲本朝詩家宗祖在禪學中比得達磨不易之論也其內集詩尤善信乎其自編者頃見趙履常極宗師之近時詩人惟趙得豫章之意有絕似之者

又曰後山樹立甚高其議論不以一字假借人然自言其詩師豫章公或曰黃陳齊名何師之有余

曰射較一鏃弈角一着惟詩亦然後山地位去豫章不遠故能師之若問秦鼉諸人則不能爲此言矣此惟深於詩者知之文師南豐詩師豫章二師皆極天下之本色故後山詩文高妙一世然題太白畫像云江西勝士與長吟後來不憂身陸沉勝士謂饒德操也按德操此詩去手污吾足之作大爭地位太白非德操遂陸沉邪似非篤論

盧載雜歌詩一卷

陳氏曰盧載厚元撰集中有與胡則錢惟演往來詩

琴軒集一卷

陳氏曰題南榮浪翁李有慶撰與石昌言任師中同時卷末贈答十二絕闕其六其曰癸巳歲者殆皇祐中邪

元章簡詩集十卷

陳氏曰參政元絳厚之撰

劉景文集十卷

陳氏曰左藏庫使知隰州劉季孫景文撰環慶死事將平之子也東坡嘗薦之坡在杭季孫寄詩有四海共知霜鬢滿重陽曾插菊花無之句其詩慷

概有氣如其爲人

廣諷味集五卷

陳氏曰吏部侍郎南京王欽臣仲至撰

海門集八卷

陳氏曰渤海張重撰有上蘇子瞻內翰詩又有張

伯玉遊鑑湖晚歸詩伯玉知越州當嘉祐末而東

坡爲翰苑在元祐間重皆與同時特未詳其人

王岐公宮詞一卷

陳氏曰王珪禹玉撰

逸民鳴一卷

陳氏曰盱江李樵撰泰伯之姪孫

湛推官集一卷

陳氏曰長樂湛鴻季潛撰紹聖初韓昌國序

青山集三十卷

陳氏曰朝奉郎當塗郭祥正功父撰初見賞於梅

聖俞後見知於王介甫仕不達而卒李端叔晚寓  
其鄉祥正與之爭名未嘗同堂至爲俚語以譏誚  
之則其爲人不足道也

張浮休評郭祥正詩如大排筵席二十四味終日  
揖讓而適口者少

方祕校集十卷

陳氏曰莆田方惟深子通撰其父屯田龜年葬吳遂爲吳人與朱伯原善以女嫁伯原之子嘗舉進士冠其鄉不第晚得興化軍助教年八十三以卒王荆公最愛其詩精詣警絕始余得其詩二卷乃其姪孫蕭山宰翱所編後乃知莆中嘗刊板爲十卷且載程俱致道所作墓誌於末曾慥詩選直以爲姑蘇人者誤也詩選又言荆公愛其春江渺渺一絕手書之遂載臨川集曾紆南游記舊亦云而其詩則客帆收浦者也二詩皆不在今集中豈以

臨川集已收故邪疑本大畧同亦微有出入  
慶湖遺老集九卷 拾遺二卷

陳氏曰朝奉郎共城賀鑄方回撰自序言外監知章之後且推本其初出王子慶忌以慶爲姓居越后愚之湖澤今所謂鏡湖者本慶湖也避漢安帝父清河王諱改爲賀氏慶湖亦轉爲鏡未知其說何所據也其東山樂府張文潛序之鑄後居吳下葉少蘊爲作傳詳其出處且言與米芾齊名然鑄生皇祐祐垂辰視米芾猶爲前輩也

操縵集五卷風雅堂對亦自全集中泐無音

陳氏曰周邦彥撰亦有全集中所無者

司馬才仲夏陽集兩卷

鼂氏曰司馬燾字才仲温公之姪孫元祐初與王

當輩同中賢良科調官錢塘喜賦宮體詩故世傳

其為鬼物所祟而卒時亦轉為鬼未賦其篇可也

司馬才叔逸堂集十卷

鼂氏曰司馬棫字才叔才仲之弟也登進士第亦

嘗應賢良以黨錮不召詩雖纖艷比其兄稍雅

得全居士集三卷

陳氏曰趙鼎元鎮撰全集號忠正德文其曾孫壁

別刊其詩附以樂府陸游曰忠簡謫朱崖臨終自

書銘旌曰身騎箕尾歸天上氣作山河壯本朝鳴

琴堂時可不謂偉人乎

高隱集七卷

陳氏曰高隱處士蘄春林敏功子仁撰嘗以春秋

鄉薦不第有詩文百卷號蒙山集兵火後不存

無思集四卷

陳氏曰林敏修子來撰敏功之弟

後村劉氏曰三林詩極少曾端伯作高隱小傳云

有詩文百二十卷今所存十無一二兄弟皆隱君



子不獨以詩重卷今視卷十無一二只與昔對  
柯山集二卷丑曰三林詩少會說自於高劉小對云  
陳氏曰齊安潘夫臨邛老撰所謂滿城風雨近重  
無思陽者也

後村劉氏曰東坡文潛先後謫黃州皆與邛老游  
其詩自云師老杜然有空意無實力余舊讀之病  
其深蕪後見夏均父讀邛老詩亦有深蕪之評

溪堂集五卷補遺三卷

陳氏曰臨川謝逸無逸撰  
漫叟詩話謝無逸學古高傑文詞煅煉篇篇有古

意尤正於詩

冷齋夜話無逸工詩能文黃魯直讀其詩曰鼉張  
流也恨未識之耳無逸詩曰老鳳垂頭噤不語枯  
木槎牙噪春鳥又曰貪夫蟻旋磨冷官魚上竿又  
曰山寒石髮瘦水落溪毛彫皆為魯直所稱賞  
竹友集七卷  
日也陳氏曰謝邁幼槃撰逸之弟

後村劉氏曰呂紫微評無逸詩似康樂幼槃詩似  
元暉按康樂一字百鍊乃出冶元暉尤麗密無逸  
輕快有餘而欠工緻幼槃差苦思其合元暉者亦

少然弟兄在政宣間科舉之外有岐路可進身韓  
子蒼諸人或自鬻其技至貴顯三謝乃老死布衣  
其高節亦不可及其高節亦不可及  
日涉園集十卷其高節亦不可及

竹文陳氏曰廬山李彭商老撰公祥之從孫

後村劉氏曰商老公擇尚書家子弟也東坡山谷  
文潛諸公皆與往還頗博覽強記然詩體拘狹少  
變化則未端之耳無幾詩曰李鳳垂面禦不語林  
清非集二卷其高節亦不可及  
陳氏曰豫章洪朋龜父撰

老圃集一卷

陳氏曰諫議大夫洪芻駒父撰自楚南刻武士宣

西渡集一卷

廬山陳氏曰中書舍人洪炎玉父撰洪氏弟兄四人其

母黃魯直之妹不淑早世所為賦毀壁者也龜父

舉進士不第其季羽鴻父坐土書元符入籍終其

身芻炎皆貴而芻靖康失節貶廢羽詩不傳卒不

後村劉氏曰三洪與徐師川皆豫章之甥龜父警

句往往前人所未道然早卒惜不多見駒父詩尤

工初與龜父游梅仙觀龜父有詩卒章云願為龍

鱗嬰勿學蟬骨蛻是以直節期乃弟矣駒父後居  
止坡晚節不終不特有愧於舅氏亦有愧於長君  
也玉父南渡後爲少蓬聞師川召有懷駒父詩云  
欣逢白鶴歸華表更想黃龍出羽淵然師川卒不  
能返駒父於鯨波之外玉父愛兄之道至矣余讀  
而悲之直之杖不燦早世思風規塑香出龕父  
岷山百境詩二卷舍人將炎玉父對其五弟只四人其  
西鄭鼂氏曰王家字道輔少有能詩名世謂其詩初若  
不經意然遣辭屬意清麗絕人自號南陔居士宣  
寺圃和中以狂譎被譖伏誅

楊天隱詩十卷

鼂氏曰皇朝楊恬字天隱潼川人

文獻通考卷第二百四十四

景及曰皇時景初字天淵



1000  
1000  
1000

